

# PHILOSOPHICÆ

## T H E S E S

### PUBLICÆ DISPUTATIONI

### PROPOSITÆ

### A

## GABRIELE BABA

## V E N E T O

### COLLEGII

### BEATI ALOYSII GONZAGÆ

### PATRVM SOCIETATIS IESV

### CONVICTORE.



*Emilia f.*

## VENETIIS, M. DC. LXII.

### SVPERIORVM PERMISSV.

RECEIVED

1883

LIBRARY DIVISION

POST OFFICE

A

RECEIVED

1883

LIBRARY

RECEIVED

LIBRARY

RECEIVED

RECEIVED

RECEIVED



# EX LOGICIS.



ATVR Logica artificialis studio, & exercitatione comparata, quæ vim naturalem intellectus ita perficit, vt non tantum perutilis sit, verum etiam simpliciter necessaria non metaphysicè quidem, nec physicè (vt probabilius est) sed tantum moraliter ad omnes scientias totales, immò & partiales difficiliore perfectè acquirendas, non tamen ad quemlibet actum scientificum.

2 Communiter diuiditur Logica in docentem, & vtentem, & rectè, si per Logicam docentem intelligantur ipsa Logicæ præcepta nuda, & auulsa; per vtentem verò eadem præcepta concreta rebus, & actu concurrentia ad dirigendas scientias.

3 Porro ipsa Logica docens non est ars presè, quamuis latè possit dici, sed scientia propriè, & simpliciter sic dicta, & quidem simpliciter practica, & secundum quid tantum speculatiua.

4 Obiectum materiale proximum, & immediatum Logicæ neque sunt res omnes, neque voces, nec ens

rationis præse dictum siue Logicum, siue non Logicum, sed tantum operationes intellectus reales sumptæ in communi, videlicet ipsæ operationes non rectæ, sed capaces directionis. Obiectum verò formale est rectitudo earundem operationum, vt inducenda per præcepta ipsius Logicæ.

5 Porro obiectum totale constans ex materiali, & formali sunt eadem operationes intellectus, vt dirigibiles. Denique obiectum adæquatum attributionis per se Logicæ assignamus secundam, & tertiam operationem intellectus, ita vt excludamus primam.

6 Signum communiter definitur esse obiectum, quod prius cognitum est aptum mouere potentiam ad aliud obiectum cognoscendum.

7 Diuiditur in naturale, & ad placitum. Huius essentia consistit in reali relatione motiui ad aliquid aliud cognoscendum ex connexionione cum obiecto significabili orta ex libera voluntate alicuius institutoris.

8 Inter signa ad placitum sunt vocabula formaliter sumpta, quæ immèdiatè, & principaliter significant res, mediatè verò & minùs principaliter conceptus.

9 Veritas formalis secundæ operationis, & quæ in scientijs expetitur, est conformitas intentionalis actus iudicatiui cum obiecto in essendo; & est relatio realis tota intrinseca cognitioni; sicut falsitas est priuatio, aut negatio dictæ conformitatis.

10 Duplex datur cognitio, alia intuitiua, & alia abstractiua. Cognitio abstractiua potest mutari de vera in falsam, & de falsa in veram.

11 Ex duabus propositionibus contradictorijs de

futuro

futuro contingenti absolute futuro, altera est determinate vera, altera determinate falsa.

12 Definitor syllogismus ab Aristotele Oratio, in qua quibusdam positis, aliud quid à positis necesse est contingere, eo quod hæc sint: probabilius est, Aristotelem per hanc definitionem definire syllogismum sumptum pro conclusione, & præmissis.

13 Ad inferendam conclusionem non sufficit assensus præmissarum, sed requiritur assensus de bonitate illationis, & ita necessaria est debita aduertentia, an termini in conclusione eodem modo accipiantur, sicuti accepti fuerant in præmissis.

14 Positis omnibus requisitis, intellectus post euidentem assensum præmissarum necessitatur ad assentiendum conclusioni, non solum quoad specificationem, sed etiam quoad exercitium.

15 Conclusio non constituitur in esse conclusionis per hoc, quod causetur physice à præmissis formaliter, neque per hoc, quod causetur à præmissis formaliter, & illuminatiue, sed conclusio formaliter consistit in quodam modo tendendi intellectus taliter in obiectum, ut ostendat, se tendere in illud non propter se ipsum, sed tamquam determinatum ab aliquo alio.

16 Figuras syllogisticas cum Aristotele tres esse discernimus directe concludentes; quare figura, quæ dicitur Galeni non est quarta quædam figura diuersa ab assignatis ab Aristotele.

17 Cum omnis doctrina, & disciplina iuxta Aristotelem fiat ex præexistenti cognitione, ideo tria præcognita, & duæ præcognitiones requiruntur.

18 Demonstratio, quæ dicitur syllogismus scientia-

lis,

lis, idest pariens scientiam, rectè definitur, quod sit syllogismus constans veris, primis, immediatis, prioribus, notioribus, & causis conclusionis.

19 Duplex datur demonstratio, causæ scilicet per effectum, & effectus per causam, sicuti cum Aristotele damnamus tamquam vitiosum circulum antiquorum, ita cum eodem admittimus vt perutilem scientijs regressum demonstratiuum.

20 Scientiam in nobis de nouo dari certum est, quæ animis nostris non est innata, nec ab extrinseco nobis infusa, sed ab intellectu nostro de nouo producta, & in eodem recepta,

21 Quamuis scientia latissimè sumpta sit cognitio intellectiua euidens; tamen propriè, ac presè est cognitio euidens discursiua.

22 Actus scientiæ, opinionis, & fidei circa idem subiectum, & prædicatum possunt esse simul in eodem intellectu eodem instanti, si opinio, & fides humana, siuè Angelica non habeant adnexam actua-lem, & absolutam formidinem de opposito.

23 Virtus intellectualis diuiditur in illas quinque virtutes, quibus animus semper verum dicit, intellectum scilicet, sapientiam, scientiam, prudentiam, & artem.

24 Notitia autem intellectiua adæquatè diuiditur in speculatiuam, & practicam; illa versatur circa obiectum non operabile, vel tamquam non operabile, & eius finis est sola cognitio veritatis; hæc circa obiectum operabile, vt operabile, & finis est vsus.

25 Inter scientiæ speculatiuæ diuisiones præferenda est cæteris diuisio in Physicam, Metaphysicam, & Mathematicam.

26 **D**istinctio, & vnitas scientiarum sumitur per ordinem ad vnitatem, & diuersitatem primorum principiorum, & præsertim à diuerso modo definiendi, & demonstrandi; conuenientia autem in primis principijs, vel disconuenientia, à qua sumitur vnitas, & distinctio prædictarum scientiarum spectatur in ordine ad eundem, vel diuersum modum abstrahendi à materia.

27 **D**atur in scientijs subalternatio, quod vna scilicet subalternatur alteri, si sit de obiecto aliquo modo eodem, & aliquo modo diuerso in ratione scibilis cum obiecto subalternantis, & principia subalternatæ sint, vt plurimum, conclusiones probatæ per principia subalternantis.





# EX OCTO

Libris Physicorum



28



Physica, quæ est scientia speculatiua  
habet pro obiecto adæquato attri-  
butionis corpus naturale, vt natu-  
rale.

29

Sicut autem tantum sunt principia  
corporis naturalis in facto esse, ma-  
teria scilicet, & forma, ita in fieri sunt tria materia,  
forma, & priuatio.

30

Principia rectè ab Aristotele definiuntur, quæ  
neque ex alijs, neque ex alterutris, & ex his omnia  
naturalia, in qua descriptione particula, ex, non de-  
bet sumi modò terminatiuè, modò compositiuè, sed  
semper eodem modo, ita vt vbique importet habi-  
tudinem partis intrinsecè componentis.

31

Materia, & forma principiant mutationem acqui-  
situiam, quando sunt; priuatio autem principiat per  
modum termini, à quo, quando primò non est, ita ut  
immediatè præextiterit.

32

Datur materia prima, quæ est ingenerabilis, & in-  
corruptibilis respectu agentium naturalium, quæ  
de facto dantur, & est vna specie, saltem in sub-  
lunaribus. Habet propriam existentiam distin-

ctam



etiam ab existentia formæ, & rectè describitur, subiectum primum, ex quo fit aliquid, cum insit, non secundum accidens; & si corrumpitur aliquid, in hoc abibit vltimum.

33 Hanc autem dari, licet non sit evidens Metaphysicè, Physicè tamen evidens esse probabilius existimamus. Non habet formam corporeitatis sibi coævam ab alijs formis specificè determinantibus distinctam, quæ ipsi tribuat rationem corporis in genere.

34 Materia prima quamvis naturaliter non possit existere separata ab omni forma substantiali, supernaturaliter tamen potest. Eius potentia passiva, quæ recipit formas substantiales, non est aliquid ab ea realiter distinctum, sed respectus quidam transcendentalis ab ipsa tantum formaliter distinctus, & de ipsius essentia.

35 Vt rectè dicitur materia prima esse pura potentia respectu formarum, seu actuum physicorum, ita malè dicitur pura potentia respectu actuum metaphysicorum, nam habet actum essentiae, & existentiae. Appetit autem metaphoricè per modum desiderij formas absentes, immo, & corruptas.

36 Datur forma substantialis tam immaterialis, quæ à Deo creatur, quàm materialis, quæ vi agentis naturalis educitur de potentia materiæ: non quòd secundum aliquam sui inchoationem, & partem præexistat, sed quòd fiat dependenter à materia tamquam à subiecto sustentante.

37 Ab Aristotele definitur, ratio ipsius quod quid erat esse rei; siue substantia incompleta actualiua, & determinatiua materiæ in ordine ad constitutum vnum per se.

38 Forma licet sit pars magis præcipua, non est tamen tota quidditas ipsius compositi substantialis. Formæ opponitur ipsa Priuatio, quæ rectè dicitur carentia Formæ aptæ esse in subiecto.

39 Natura est principium, & causa motus in eo, in quo est primò, & per se, & non secundum accidens. Ratio naturæ conuenit non tantum materiæ primæ, & cuilibet Formæ substantiali, sed etiam ipsi composito.

40 Quod diximus de Forma substantiali indefinite, potest etiam dici de formis elementorum, & mixtorum in particulari, præterea de Anima tum vegetatiua, tum sensitiua, & de Rationali.

41 Naturam ars ipsa imitatur, quæ applicando actiua passiuus potest aliquando producere aliquos effectus naturales.

42 Causa propriè, & simpliciter sic dicta est principium influens esse in aliud ex se formaliter defectibile. Causa sic definita diuidi solet, in Materialem, Formalem, Efficientem, & Finale, sed eius diuisionem ad pauciora membra contrahi, tum ad plura extendi potuit.

43 Virtus causandi causæ respicit effectum possibilem, prout à se producibilem: Causalitas verò, seu causatio est influxus ille, quem vnaquæq; causa exhibet in suo genere effectui, cum communicat esse.

44 Aliquæ causæ possunt esse sibi inuicem causæ secundum diuersam rationem, & idem effectus potest eodem instanti esse à pluribus causis totalibus.

45 Causa materialis est principium communicans esse per modum partis subiectiue, & perfectibilis:

For-

Formalis autem per modum actuantis, & perfectiui.

46 Virtus cauſandi materiæ eſt entitas ipſa Materiæ, quatenus poteſt per modum ſubiecti concurrere ad educationem, & conſeruationem Formæ materialis. Cauſalitas verò eſt eadem entitas Materiæ, quatenus actu eſt ſubiectum, dependenter à quo educitur, & conſeruatur Forma materialis.

47 Præter dictam ſuſtentionem, Materia nullam aliam cauſalitatem exercet in Formam, nec Forma in Materiam: quamuis vtraque concurrat ad cauſandum compoſitum per actualem inexiſtentiam in compoſito.

48 Vnio, quæ neceſſaria eſt ad hoc, vt ex Materia, & Forma conſtituatur compoſitum, conſiſtit formaliter non in relatione intimæ præſentiae, vel coexiſtentiae vnuius ad alterum, ſed in relatione actualis receptionis, qua Materia recipit formam, & actualis informationis, qua forma actuat materiam, ſeu eſt intima connexio materiæ, & formæ ſe habentium per modum potentiae, & actus ad conſtituendum compoſitum.

49 Duplex admittenda eſt Vnio in compoſito, altera in materia, & altera in forma; neque eſt entitas, ſiue realis, ſiue modalis diſtincta ab eo, cuius eſt Vnio, à quo diſtinguitur tantum formaliter ex natura rei.

50 Cauſa efficiens definitur ex Ariſtotele id vnde primum principium motus, & quietis; quæ definitio, ſi nomen motus ſumatur in latiori ſignificatione, communis eſſe poteſt tam cauſæ, quæ agit ex præſuppoſito ſubiecto, quam quæ agit ex non præſuppoſito ſubiecto.

51 Efficientis causalitas non consistit in aliqua entitate, siue reali reali; siue reali modali, quam Agens à se transmittat in effectum; vel in eo producat; neque in entitate causæ continente in se formaliter, & vniuocè, vel virtualiter, & æquiuocè effectum, & in entitate effectus, etiam si superaddas illis aliquid conditionatum; nec in præcisâ dependentia ipsius effectus à causa; sed formaliter sumpta consistit in actione actiue sumpta, quæ rectè explicatur, quod sit relatio Agentis, vt Agens est, ad effectum, & sic intrinseca Agenti.

52 Actio transiens passiue sumpta, est in effectu, & in passo, actiue autem considerata, est in agente, à quo non distinguitur nisi formaliter; qua eadem distinctione pariter distinguitur dependentia ab effectu.

53 Agens creatum, etiam corporeum, verè producit effectus sibi proportionatos, quod tamen non facit, quo minus Causa, prima immediatè concurrat ad omnes, & singulos effectus causarum secundarum in genere causæ efficientis.

54 Licet autem Deus concurrat immediatè ad entitatem cuiuslibet effectus, qui producitur à causa secunda; non tamen imprimit eidem causæ secundæ aliquid, per quod physice prædeterminetur ad operandum.

55 Actio conseruatua passiue sumpta non distinguitur realiter, sed solum formaliter, ab actione primò productiua. Ad eorum conseruationem; quæ à Deo simul cum causa secunda producuntur, si cessante actione causæ secundæ permaneant in esse, non sufficit generalis Dei concursus, sed requiritur determinatus, & integer influxus, qui se solo suffi-

ciens

ciens fuisset ad illius rei productionem.

56 Licet non constet ullam creaturam de facto creasse, aut habuisse vim creandi, non apparet tamen repugnantia, cur virtus creandi non possit communicari alicui creaturæ creabili.

57 Causa finalis est vera, & realis causa, & dicitur id, cuius gratia aliquid expetendum, faciendum, vel conseruandum est. Virtus finalizandi, licet in bono honesto, iucundo, & utili reperiat, sumpto utili pro conuenienti naturæ cuiusque, non reperitur tamen in utili sumpto formaliter pro medio ad acquirendum aliquod bonum.

58 Causalitas finis non consistit in actione agentis quatenus est propter finem, nec in dependentia effectus à causa finali, sed in ipsa actuali finalizatione; seu in esse id, in cuius gratiam aliquid est, fit, vel conseruiatur.

59 Causa finalis causat secundum bonitatem suam; bonum autem siue reale, siue apparens habet vim finalizandi.

60 Idæa reuocatur ad causam efficientem, sicut & ad Formalem, quamuis potuerit constituere quintum genus causæ: est vera causa rei idæatæ, & est id, in quod inspiciendo operans agit, & ita non consistit in conceptu formali, sed obiectiuo, principaliter quidem in conceptu obiectiuo interno, minus principaliter, & secundario in conceptu obiectiuo externo, scilicet est effectus realiter præconceptus ab Agente creato habens vim dirigendi illud in operando.

61 Datur fortuna, & casus. Fortuna est causa per accidens eorum, quæ propter aliquid sunt respectu

agen-

agentium secundum electionem; casus verò respectu agentium sine libera electione.

62 Motus rectè describitur Actus entis in potentia prout in potentia, seu actus mobilis prout mobile est. Si sumatur formaliter pro transitu à quodam in quoddam. distinguitur formaliter ex natura rei à mobili, cum quo identificatur realiter; & ideo non componitur ex subiecto, & termino.

63 Omnis motus, excepto locali, potest esse in instanti, atque adeò continuus, & successio non sunt de essentia eius.

64 Datur motus localis, quo producitur aliquid realiter simpliciter distinctum tum à mobili, tum à terminis, quod est intrinsecum ipsi mobili, & ex quo sequitur acquisitio loci, quod quidem est qualitas translatiua. A simili qualitate proiecta mouentur, non verò à solo medio.

65 Locus Physicus pressè sumptus est terminus primus, seu superficies corporis continentis immobilis, & conseruatiua; huius immobilitas opponitur mobilitati vasis. Res dicuntur quidem esse in loco extrinsecè per ipsum locum, intrinsecè verò per relationem præsentia ad locum, non verò per entitatem aliquam Modalem superadditam.

66 Duo corpora possunt esse de absoluta Dei potentia in eodem numero loco; & idem numero corpus eodem instanti pluribus in locis.

67 Non datur vacuum pressè sumptum in rerum natura, nec naturaliter, vt probabilius est, dari potest. Dato autem vacuo, posset in eo exerceri motus tum progressiuis animalium, tum violentus aliorum corporum.

68 Quantitas in continuam, & discretam diuiditur. Continua verò in successiuam, & permanentem. Ratio formalis quantitatis permanentis consistit in extraitate partium in ordine ad spatium. Quantitas immediata, & de se sensibilis distinguitur realiter à substantia.

69 Duratio alia permanens, alia successiua. Duratio permanens continua creata est positiua extensio eiusdem realiter existentiae, prae habitae, nec distinguitur realiter, siue modaliter à re durante, sed tantum formaliter. Increata vero est interminabilis vitae tota simul, & perfecta possessio. Duratio successiua, siue tempus est numerus motus secundum prius, & posterius, nec realiter, aut modaliter, sed tantum formaliter à motu distinguitur.

70 Infinitum quantitatum, quod in Categorematicum dicens actualitatem secundum omnes sui partes, & syncategorematicum dicens actualitatem potentialitati admixtam diuiditur, secundum Aristotelem rectè definitur illud esse, cuius secundum quantitatem accipientibus semper aliquid est extra accipere; & cuius partibus quibuscumque finitis finities acceptis semper remanent aliae accipiendae.

71 Probabilius est in creatis non dari de facto infinitum categorematicum entitatum siue in multitudine, siue in magnitudine, siue in intensione rerum permanentium; immo nec viribus naturae dari posse. Potest autem per absolutam Dei potentiam dari aliquod infinitum categorematicum creatum entitatum.



# EX LIBRIS

De Cœlo, & Mundo,



72



Vndus de facto est vnus tantum non multiplex, Deus tamen creare potuit plures Mundos, & specie, & numero diuerfos ab hoc existente.

73

Est perfectus in ordine ad finem, ad quem à Deo creatus fuit, quamuis à Deo potuisset produci magis perfectus, siue substantialiter, siue accidentaliter.

74

Non potuit per absolutam Dei potentiam fieri, vel esse ab æterno, siue quoad entia successiua, siue quoad permanentia.

75

Cælestia corpora non constant ex elementis, sed probabilius est esse corpora simplicia, nec realiter composita ex materia, & forma.

76

Probabilius est Cœlos, natura sua, & ab intrinseco esse ingenerabiles, & incorruptibiles. Planetarum Cœli fluidi sunt, nec mouentur ab intrinseca vi actiua, quæ sit essentia ipsorum, vel proprietas fluens ab

essen-



essentia, sed ab Intelligentijs: influunt in hæc inferiora non tantum calore, & lumine, sed per qualitates occultas, & innominatas distinctas ab ipso lumine, & calore; in operationes tamen spirituales per se immediate, & directe non influunt. Corpora autem cœlestia esse animata tamquam omnino falsum reijcimus.

77 Elementum rectè describitur illud corporum, in quod cætera corpora diuiduntur, quod inest potentia, aut actu, & est indiuisibile in diuersa specie.

78 Quatuor sunt vulgata elementa, inter quæ ignis rectè recensetur, cuius locus naturalis est supra aerem.

79 Elementorum qualitatès primæ sunt calor, frigus, siccitas, & humiditas, quas omnes actiuas, & positiuas esse censemus, & eiusdem speciei in quocumque subiecto reperiuntur.

80 Igni in suo statu naturali conuenit calor, & siccitas in summo; Terræ frigus, & siccitas item in summo: Aeri calor, & humiditas ad prædominium; Aqua summè humida, & remissè frigida est.

81 Formæ substantiales elementorum non sunt virtutes motiuæ, nec actiuæ, sed ab ipsis distinctæ. Elementa non mouentur à generante, tamquam ab efficiente ipsorum motum proximè, & immediate, sed solum tamquam determinante principium eorum intrinsecum ad vnicum motum in specie: mouentur autem sursum, aut deorsum à grauitate, aut leuitate, tamquam à qualitate proximè motiua.

82 Causa verò cur velociùs, & velociùs moueantur

versus finem est qualitas translatiua intensior, & intensior facta à grauitate, vel leuitate, quatenus diutius, & diutius versus suum locum naturalem mouentur. Grauitas à grauitatione distinguitur; neque elementa grauitant, aut leuitant in proprijs locis.





# EX LIBRIS

De Generatione.



83



Eneratio substantialis definitur ab Aristotele mutatio totius in totum nullo sensibili remanente, vt subiecto eodem.

84

Corruptio vnius est generatio alterius in sensu causali, & concomitanti, non verò formali. In

corruptione substantiali non datur de facto naturaliter resolutio vsque ad materiam primam, neque sistendo intra limites naturæ potest dari.

85

Terminus Generationis substantialis, quæ de facto in natura fit, si loquamur de termino inadæquato, præciso, & partiali, est forma; si de principali, adæquato, & totali, est ipsum compositum.

86

Licet homo generet hominem, eius tamen actio generatiua non attingit intrinsecè, & directè animam rationalem; sed solum extrinsecè, & indirectè quatenus vi actionis producuntur ab homine organa animæ rationali debita, & quibus vicissim est debita anima rationalis.

87 Accidens non potest esse causa principalis physica substantiæ, nec substantia ignobilior nobilioris; aliqua tamen accidentia, vt virtus alterius substantiæ, sunt immediatè productiua substantiæ corporeæ.

88 Quamuis causa principalis efficiens substantiæ corporeæ denominatiuè, & moraliter sit sæpè substantia corporea; non est semper physicè, ac realiter, & ideo in aliquibus generationibus substantialibus, quæ fiunt ex putri, & similibus, recurrendum est ad causam primam vt Agens naturale est.

89 Datur de facto Mixtio pressè sumpta, quæ definitur miscibilium alteratorum vnio. Per hanc constituitur mixtum essentialiter diuersum à quocumq; miscibili.

90 Probabile est elementa non solum symbola, sed etiam dissymbola transmutari posse ad inuicem, difficilius tamen hæc, quàm illa. In mixtis non remanent quatuor vulgata elementa secundum formas substantiales, sed tantum secundum virtutes accidentales temperatas iuxta combinationem mixto debitam.

91 Alteratio est mutatio in passionibus contrarijs, aut medijs. Alia est intensiua, alia extensiua. Intensio formaliter sumpta consistit in hoc quod plures gradus eiusdem qualitatis sint in eadem parte subiecti: causaliter verò consistit in productione plurium partium eiusdem qualitatis in eadem parte subiecti; & ita fit per additionem gradus ad gradum, non verò per deputationem à forma contraria, vel per maiorem radicationem in subiecto, vel per nouam vnionem terminorum, & existentiam, Gradus qua-

litis

litatis intensæ nec specie differunt, nec sunt tales, vt secundus sit essentialiter secundus, & non potuerit esse primus.

92 Probabilius est Agens corporeum, & operans naturaliter non posse agere in distans non agendo per medium, vel certè non tangendo distans mediante aliquo intermedio, cum quo vnum totale Agens constituatur. Per absolutam tamen Dei potentiam potest non agendo per medium, nec vtendo medio.

93 Agens simile in gradu qualitatis non potest agere in aliud consimile alteratione pressius sumpta, & ad generationem per se proximè tendente.

94 Idem non potest agere in se ipsum actione corruptiua secundum eandem, sed secundum diuersam partem, eamque etherogeneam; potest tamen actione perfectiua, & secundum eandem partem.





# EX LIBRIS

De Anima,



95



Nima rectè ab Aristotele definitur Achns primus corporis organici potentia vitam habentis. Potest etiam describi Anima, id quo viuimus, mouemur, & intelligimus primò. Non vnicam tantum partem corporis informat Anima, sed plures, scilicet illas omnes, in quibus operationes vitales apparent.

96

Cerebrum, medulla dorsalis spinæ, caro, arteriæ, venæ, ossa, dentes, pili, vngues, &c. animantur. Pinguedo autem, Cuticula, Sanguis cum alijs tribus humoribus, Lac, Semen, Medulla ossium, Humores fluidi oculorum non sunt animati.

97

Inter animalis membra principatum tenet non Cor, sed Cerebrum, quod est principium nervorum; sicuti Cor est principium arteriarum, & Hepar venarum.

98

Diuiditur Anima in vegetatiuam, sensitiuam, &

ratio-

rationalem, non ita tamen quin aliter diuidi potuerit. Est eiusdem rationis, seu homogenea in omnibus partibus, quas informat. Anima materialis plantarum, & animalium imperfectorum est diuisibilis.

98 In viuente admittenda est aliqua etherogeneitas substantialis, quæ habetur per formas substantiales partium organicarum Ossis, Neruis, Carnis, &c. Formæ substantiales talium partium organicarum, quæ dicuntur communiter formæ partiales, dantur, & distinguuntur realiter ab Anima etiam præsentē. Forma autem cadauereitatis in corpore mortuo distincta à prædictis formis partialibus non datur.

99 Potentiæ animæ consideratæ præcisæ vt se tenent ex parte animæ, non distinguuntur vel inter se, vel ab ipsa anima plusquam formaliter ex natura rei. Actus vegetatiuæ recipiuntur in corpore; sensationes verò in anima.

100 Vegetatiua dicitur primum principium intrinsecum conseruandi viuens, vt viuens est: Habet tres principales potentias nutritiuam scilicet, augmentatiuam, & generatiuam, licet hæc omnia omnibus omninò viuentibus non competant: assignatur nutritiua ad conseruandum, augmentatiua ad perficiendum, & generatiua ad ipsum viuens propagandum.

101 Potentiæ, quæ animæ vegetatiuæ inferuiunt quatuor apponuntur, attractiua, concoctiua, retentiua, & expulsiua, & ad has cæteræ faciliè reuocantur.

102 Rectè describitur nutritio, quod sit reparatio partium deperditarum facta per conuerfionem alimenti in substantiam aliti. Viuentium alimentum est substantia, non potest tamen esse nec purum ele-

men-

mentum, & simplex, nec venenum formaliter sumptum, secus vero medicamentum, metalla aliqua, & aliquæ gemmæ.

103 Sanguis solus siue sumptus pro humore distincto à pituita, & vtraque bile, siue pro aggregato ex merito sanguine, & tribus dictis humoribus non est immediatum, & proximum nutrimentum omnium membrorum; ex prioribus verò humoribus solus sanguis venosus primariò ordinatur ad nutrimentum proximum quamplurimum membrorum.

104 Augmentatio est conuersio proximi alimenti in viuientis, vt viuens est, substantiam maiorem, quam quæ deperdita fuit. In viuientibus datur maximum quod sic, & certus terminus quantitatis, quem naturaliter excedere nequeant. Toto vitæ tempore remanet semper idem numero viuens.

105 Raritas non fit formaliter per productionem nouæ qualitatis, vel quantitatis; neque per productionem nouæ substantiæ; neque per intromissionem corpusculorum inter poros rei, quæ rarefit; sed fit per hoc quod acquiratur maior tantitas, & condensatio fit per hoc quod maior tantitas amittatur.

106 Generatio est processio viuientis à viuente principio coniuncto in similitudinem naturæ specificæ, vel numericæ ex vitalis processiois.

107 Potentiæ animæ sensitivæ aliæ internæ sunt; aliæ externæ. Ad externas spectant quinque vulgati sensus, visus, auditus, odoratus, gustus, & tactus; ad internas verò sensus communis, phantasia, & æstimatiua, quibus aliqui memoriam sensitivam addunt.

108 Sensus obiectum dicitur illud, quod sensationis terminatiuum est: sensibile obiectum, aliud est commune.



mune, aliud proprium: commune species non im-  
primit realiter distinctas à speciebus sensibilibus pro-  
prijs. Circa sensibile proprium vel non decipitur  
sensus, vel valde rarò; circa verò commune fre-  
quentius.

- 111 Sensus externus non percipit sensationes, nec pri-  
uationes actu positiuo: sentitur tangibile medijs  
qualitatibus, quæ sunt in tangibili, non inhærenti-  
bus in organo tactus; & idem dicendum est de sapo-  
ribus respectu gustus, cuius organum formale est di-  
stinctum à sensorio tactus. Odor autem sentitur in se  
ipso quatenus in aliqua substantia est præfens orga-  
no formali odoratus, quod organum sunt caruncule  
mammillares.

- 112 Sonus non propagatur ad aures per hoc, quod il-  
la pars aeris immediatè percussa à corporibus inui-  
cem allisis, & in qua sonus impetu quodam primò  
recipitur, feratur per totum aerem medium illum  
frangendo vsque ad aures, neque per species inten-  
tionales repræsentatiuas soni, sed propagatur per  
medium vsque ad aures secundum suum esse reale.  
Sonus sensibilis adæquatè sumptus non producitur  
in instanti.

- 113 Organum formale auditus est illa pellis, quæ di-  
citur tympanum auditorium. Visio fit non per ex-  
tra missionem, sed per intus susceptionem.

- 114 Organum formale visus est extremum tunicae.  
Retinae, quod nervo optico iungitur. Obiectum  
adæquatum, & proprium visus est color, & lumen.  
Lumen est qualitas materialis, & quidem realis, ita  
tamen, ut fit etiam intentionalis. Color est qualitas  
realis essentialiter, & realiter distincta à lumine.

115 **A**nima rationalis non est particula diuinitatis, neque fuit ab aeterno: est forma corpus humanum informans. Est spiritualis, realiter indiuisibilis, & immortalis: multiplicatur ad multiplicationem corporum. Habet hæc anima suas potentias, quæ formaliter tantum ab ipsa distinguuntur.

116 Memoria habet pro obiecto res ante cognitæ. Intellectus habet pro obiecto ens, & non ens, quatenus tamen per speciem entis cognosci potest. Voluntas verò habet pro obiecto bonum.

117 Datur intellectus agens, qui non est aliud, quàm ipsa anima rationalis quatenus est productiua intellectionis, & datur intellectus passibilis, qui est eadē anima, quatenus recipit in se intellectionem, per actum intelligendi producitur qualitas, quæ est distincta ab anima, & dicitur communiter species expressa; datur etiā species impressa, quæ realiter ab expressa distinguitur. Ad speciem intelligibilem non concurrunt effectiue Phantasma, sed tantum obiectiue.

118 Dantur habitus in intellectu naturaliter acquisiti non distincti à speciebus impressis inter se sufficienter ordinatis, & intentis; in potentijs autem sensitiuis internis tam hominum, quàm brutorum dantur pariter habitus, sed non distincti à phantasmatibus; in sensibus externis verò non dantur; e contra in appetitu rationali, & sensitiuo.

119 Potest definiri habitus pressè sumptus, quod sit qualitas accidentalis super addita potentiae permanens, & stabilis in ea, ac per se primò ordinata, ut eam inclinet, & ad facilius operandum iuuat.

120 Habitus acquisiti producuntur à proportionata potentia principaliter; instrument. verò ab actibus ante-

ceden-

cedentibus; possunt acquiri aliquando per plures actus, aliquando per vnicum tantum. Augentur habitus acquisiti per actus eiusdem speciei, per quos producuntur. Habitus acquisitus concurrat effectiue ad actus eiusdem speciei, cuius sunt actus, à quibus & ipsi habitus producti sunt.

111 Sola cessatio ab actibus non est per se causa corruptionis habituum, nec corrumpitur immediate habitus acquisitus ab actu opposito, sed ab habitu contrario.





# EX LIBRIS

Metaphysicæ.



<sup>122</sup> Etaphysica est scientia speculati-  
ua, cuius obiectum est ens vt ens,  
& ita versatur non solum circa  
ens reale, sed etiam circa ens ra-  
tionis. Conceptus obiectiuus en-  
tis est vnus, cum non includat  
formaliter differentias, nec ab il-  
lis in abstracto formaliter includatur. Non est pure  
Vniuocum, sed Analogum, analogia tamen attri-  
butionis. Vnitas, veritas, & bonitas sunt passion-  
es entis positivæ, & reales.

<sup>123</sup> Distinctio, quæ est negatio identitatis, & inter ex-  
trema positiva fundamentaliter consistit in positi-  
uo, formaliter in negatiuo, opponitur vnitati.

<sup>124</sup> Datur distinctio realis inter rem, & rem, cuius in-  
diciu est in creatis mutua separabilitas cum di-  
uersitate conceptus obiectiui. Non datur tamen di-  
stinctio modalis, nec modus aliquis proprie dictus.

<sup>125</sup> Admittimus tanquam necessariam distinctio-  
nem formalem ex natura rei, quæ sit intrinseca vni,

& ei-

& eidem entitati, siue inter rationes formales realiter identificatas, qua distinctione distinguimus gradus metaphysicos eiusdem indiuidui; nec datur alia distinctio independenter ab operatione intellectus.

126 Diuiditur ens in decem prædicamenta non omnia realiter inter se distincta. Inter predicamenta, vnum est substantia, reliqua accidentia.

127 Ens substantiale, immo & accidentale diuidi potest in vniuersale, & singulare. Vniuersale definitur vnum aptum inesse pluribus. Datur à parte rei sine vlla intellectus operatione, & diuiditur in genus, speciem, differentiam, proprium, & accidens. Ad vniuersale posituum sufficiat vnitas conuenientiæ, quæ à parte rei datur,

128 Aptitudo autem naturæ existendi in pluribus consistit in positiua potentia, qua plures essentiæ similes possunt existere in pluribus speciebus, ac indiuiduis. Singularitas, quæ distinguitur formaliter à parte rei à natura creata, cuius est singularitas, est indiuisio simpliciter, omnino in se, & diuisio à quocumque alio vltima diuisione, & ita non consistit in collectione plurium accidentium.

129 Ens diuiditur quoque in absolutum, & relatiuum. Relatiua ex Aristotele definiuntur, quorum hoc ipsum est esse ad aliud quodammodo se habere. Relationes aliæ sunt prædicamentales, quæ spectant ad vnicum tantum prædicamentum, aliæ transcendentales, quæ scilicet per varia prædicamenta vagantur. Prædicamentalis relatio quæ rectè à transcendentali distinguitur per hoc, quod illa terminum vt purè terminum respicit; hæc præter

id,

id, quod est respicere terminum, aliud munus exercet, vel circa ipsum, vel circa fundamentum, vel circa vtrumque.

- 130 Relatio est tota intrinseca fundamento, cum quo identificatur realiter, & ab ipso tantum formaliter ex natura rei distinguitur. Aliqua relatio prædicamentalis, & aliqua transcendentalis requirit terminum actu existentem, aliqua non. Nulla relatio potest terminare ad correlativum formaliter. Ad multiplicationem specificam, & numericam terminorum multiplicatur specie, & numero relatio.

- 131 Ens possibile prout importat priuationem existentiae est aliquid realiter distinctum à Deo, & sic est tale per denominationem ipsi intrinsecam, & non solum per extrinsecam à potentia Dei, aut alterius causae. Possibilitas entis non est mera negatio, sed est aliquid positivum saltem secundum quid.

- 132 Licet autem ens possibile quamdiu non existit habeat esse secundum quid; tamen simpliciter non est ens, & simpliciter loquendo essentiae rerum creaturarum non fuerunt ab aeterno.

- 133 Ens reale simpliciter inuoluit existentiam. Essentia creata existens non distinguitur ab existentia reali ut res à re, nec realiter ut res à modo, sumpto modo pro entitate habente propriam existentiam distinctam ab existentia rei modificatae, sine qua esse non potest, sed distinguitur tantum formaliter ex natura rei sumpta distinctione formali in latiori quadam significatione.

- 134 Datur præter ens reale ens rationis tam simpliciter sic dictum, quam secundum quid, & dicitur esse illud quod habet esse obiectivè tantum in intellectu.

ctu.

Chu. Constitutum entis rationis non est species impressa, neque species expressa, seu cognitio repræsentans obiectum : neque constituitur formaliter ens rationis per cognitionem obiecti, quatenus fit per speciem alienam; sed eius essentia consistit in esse vel essentia tantum obiectiva.

135 *Causa efficiens entis rationis remota est intellectus, proxima verò cognitio. Licet omnis cognitio falsa faciat ens rationis, tamen per cognitionem veram improprie, & minus rigorese potest etiam fieri per apprehensionem tam complexam, quam incomplexam fit ens rationis, & multò magis per secundam, & tertiam operationem intellectus. Sensus internus, & externus, immo etiam potentia appetitiva, tam rationalis, quam irrationalis possunt facere ens proportionale enti rationis.*

L A V S D E O:

REVIEWS

222744 4 11 221

*Sustinebuntur publicè Bononiæ in Templo  
Diuæ LVCIÆ PP. Societatis IESV  
à GABRIELE BABA Veneto Col-  
legij B. ALOYSII GONZAGÆ  
Conuictore.*

Anno M.DC.LXII Mense      die      hora



V E N E T I I S.

SVPERIORVM PERMISSV.



I N  
**PHILOSOPHICIS**  
**DISPUTATIONIBVS**  
D.  
**GABRIELIS BABÆ**  
**VATICINIA.**

11

PHILOSOPHICAL

TRANSACTIONS

OF

THE ROYAL SOCIETY

OF LONDON



ILLVSTRISSIMO  
DELPHINO  
A V S P I C E

Inuitatur Defendens ad propugnandas  
Philosophiæ Theſes.



O D E.



*T*phi ſupremo religare malo  
Mittit antennæ? periturum apertis  
Colligant ſummiſſis æge tenſa Caurum  
Suppara labris.

*Buxus cerni trepido quid errat*

*Pallor in vultu? brenibus reloga-*

*Euanidas tanto Gyris timores*

*Auspice Typhi.*

*Differ, Oleni pluuiæ, Syduſ*

*Quære an cornu Boream fatiget*

*Surgat Orion, reſupinet an ne-*

*Aquarius urnam.*

*Pontica vidit, timuitque Doris*

*Clauftra, quæ abſciſſum ſociavit orbem,*

*Et pati iuſſit Thetidem flagellum*

*Theſſala pinus.*

E 2

Cum

Cum duo allisti gemitu senera  
Framibus mentis gemerens, & ipse  
Spargetis melle, melle melle melle  
Spargetis melle.

Phrygiam cupit stultis allurancem  
Virginem ponso, rabidosque hiarus  
Vidit exortos, geminaque frontis  
Horruit artus.

Horruit sed cui male fidus igne  
Castor illuxit; rursus ecce DELPHIN  
Semitam blandus per aquosa certam  
Carula signat.

Pergis? an pectus Serapis remordet?  
Ira vel rauca sonuit Malæ?  
Mitte sectari vntuos pauores  
Auspice tanto.

Templa se pascunt, & acuta Cirrhæi  
Delias sortes ubi certa reddet  
Urna, gentili & tua Apollo cinget  
Tempora DAPHNE.

D. Ludouicus Grilenzonius  
Carpentis.



Ad Nāvem DELPHINI Auspicijs  
nauigantem.

*Præpempica Vatikiana.*

**P** Andite iò celebres mea carmina, pandite plausus;  
Nam ratis accelerans cursum læto omine germen  
Vt vehat Adriacum, tempestateque secundis  
DELPHINI auspicijs tranquilla per Equora calcet,  
Dum volat, & Pelagi victrix secura triumphat,  
Plectra sonora mouet Duci sin præconia Vatum.  
Ipse ego Cycnæum superantes carmine cantum  
Aure hausi vel millemodos, quæis æmula Virtus  
DELPHINO: solus meriti vestigal honoris;  
Mens bibit aure sonos, multosque ab imagine vocis  
Credidit æmonios vires vestire carinam  
Vt Chelys Orphææ facis vis mira canora  
Arte dedit cantum; tot plectra sonantia vatum  
En mihi dant vocem, repetam licet impare Plectro.  
Quæ nouus Orphæa cecinit testudinem Vates,  
Cretensem cantum dimittens littore Puppim.

Itæ, ait, irati quæcumq; vada naufraga Ponti  
Naufragium minitentur aquis, præeunte Sequacem  
DELPHINO Nauim securo tramite ducent,  
Frenabuntque iras auris famulantibus Euri.

O nimum lælix, cuius ratis, æmula puppis  
Palladiæ, Adriaco regitur DELPHINE Magistro.  
Ille maris, terræque vocat sub claustra Procellas,  
Et domitas cohibet Ventorum in fræna Phalanges;  
Ille viam ratibus lætis adeunda carinis  
Saxa per, & scopulos sternens, monstra horrida monstra  
Opprimis, & paces cogit parere lupatis.  
Lata serenatos qua flectit in omina gressus  
Ore premens tacito rabiem latet Equore in imo  
Abdita Scylla ferox, atque implacata Charybdis.  
Siren muta silet lōpitis cantibus aures,  
Blanda nec hostili vōcis dulcedine mulcet

-ulla

Ima

Ima petens Pelagi Pices comitata Silentes  
 Declinat **DELPHIN** Puppim, quam dirigit auspex,  
 Vel somnos experta suos, lachryalia quondam  
 Fata tulisse sibi, largo submersa cruore.  
 Non tua torrebis Vector Plaga Solis iniqui  
 Pectora spirantis Zephyri levis aura volentem  
 Impellens nauium leuat obsequiosa Catorem  
 I, pete placatas sociato federe gentes,  
 I, pete mox reuehas Pharij Simulacra Serapis,  
 Perge velox ferat Auricomum tua Puppis Ositum.  
 Funeri flaminis procul; ò procul esse Comete,  
 Et crinale iubar mortem quod fronte minatur  
 Abdite; nil vestrae meruat praelagia flammæ  
 Adriacus iuuenis, totuas nil Equoris vndas  
 Formidet, certus Sophiæ quin tangat arenas  
 Nulla vnquam possint prohibere pericula Ponti;  
 Auspice **DELPHINO**; & si olim vel naufraga Puppis  
 Iam trucibus submersa vadis trans æquora Portum  
 Attripuit rapidis nunquam metgenda procellis,  
 Tu quoque **DELPHINIS** meliori Sydere recta  
 I, celer, i puppis Cœlo; pelagoque Sereno,  
 Et maris, & terræ metas transgressa supremas  
 Felix Vectorem merito tecum insere Cœlo.

*D. Io. Iacobus Bonatus Gualtalenſis ex  
 Collegio B. Aloysij Gonzaga.*

Allu-

31  
Alluditur ad Gentilitium Defendentis, in quo  
cernitur Leo Laurum ascendens.

O D E.

**S** At est: superbus exue gloria  
Ardentis, ausus: stringe nivalibus  
Non subditam palmam flagellis  
Pieria redimite fronde.

Inclinet omnem turbidus athera  
Nimbus Orion: Iuppiter obstrepat;  
Neptunus altas voluat undas  
Folia dominante turba.

Sedens auita Victor in ARBORE  
Ludis minacis pralia temporis,  
Et muniens valuas LEONE  
Palladias frueris quiete.

Musis amicus sydereas domos  
Tentas, rotundum curris & atra,  
Atque amula lucas LEONIS  
Hesperias violante tenebras.

Nunc è recessis ossibus igneum  
Emergat trophaum, scilicet ingeni,  
Vt Tullio, reddat superstes  
Fama tui monumenta flamma.

D. Iacobus Rescatus Brixienfis ex Collegio  
B. Aloisij Gonzagæ.

D. GA.

D. G A B R I E L I B A B A

Philosophiam publicè propugnanti.

Omen Retrogradum.

**P**alladium cape iam frondem, iam patria complex  
Omina, laus numquam sic riva deficiat,  
Perpetui tibi sint flores, sit mellea celus;  
Aurea lux, Pindus sit tibi Socraticus.

D. Franciscus Maria Bordanus Bononiensis  
ex Collegio B. Aloysij Gonzagæ,

E I D E M

Carmen Protheum.

**H**ic est flos, fons, lux, Rex, Pax, Vox, & rosa Pindi.  
Socratici Sol, Mel, lex, Dux, Spes, & Decus orbis.

Eiusdem.

-A-

Ad



Ad Dom.

# GABRIELEM BABA

Philosophica in Palæstra emeritum  
Olimpionicem.

*Alluditur ad sidera, quæ illius Gentilitio micant  
in stemmate.*

*Phalœcium.*



Ocæ Numine Palladis fauente  
Assuetâ Pugil acer in Palæstra  
Certaſti, BABA, seu magis decorum  
Duxiſti, ſpolio grauis, triumphum.

Intextas alij virente lauru  
Aut fuluo rutilas gerant metallo,  
Vel quas Lilia veſtiunt, corollas,  
Cunctis aſt tibi ter beatorum  
Ternum non deerit iubar micantum  
Stellarum, quibus arduo labori  
Soluet præmia, te minora Cœli.

F

Ad

Ad Dom.

# GABRIELEM BABA

Philosophiam propugnaturum.

Propempticon allegoricum.



*Leo quæ ueheris per ætherei chaos  
Neptuni Ge. BRIEL & Teihyde quid secas  
Oblucitante salum? Quid tumido subis  
Septem Nereæ gurgite?*

*An deusâ trahis petita gloriâ*

*Cacas cacus amor per pelagi minas?*

*Ante præcipiti turpe lætencia*

*Pontofaxa manent? Piden?*

*Quantus tollat aquas turbo volubilis*

*Quantusque heu! liquido verberet æquas*

*In Cymba pavidâ thymetia fluit*

*Mons, qui sydere vertice*

*Pridem contigerat? Sisso; quid ardua*

*Nisu Ceruleos aggredieris sinus?*

*Retraxisse fretis est satius pedem.*

*Fallor: iam celeri trabe*

*I, q uò fata vocant. Alite prospero*

*Inter tetra fauet nubila Delius;*

*Ventorumque minax qui ruit impetus,*

*Urget carbasâ, non ferit.*

*Multo nigra ciet pralia murmure,*

*In syresque ratem pellit inhospitas*

*Doris, fluctuâga spumea dum furens*

*Laxat frana licentiæ.*

ba

f

Te

*Te non vasta tamen Carula, non salo  
 Incumbens Boreas, aut rabies trucis  
 Circumsufa Noti, terreat: inclytus  
 Pontus, qui praeit arbiter  
**DELPHINVS**, pelago nescius obrui,  
 DVX qua templa petis certior indicat,  
 Oblectamque maris turbinibus arabeim  
 Sistet firmior **ANCHORA**,  
 Mox ne tarda quies admoceat manum;  
 Quasitae ne gent aquora littoris  
 Oras posse gradu tangere, tutior  
 Hinc **PORTVS** gremium dabis.*

D. Bartolomæus Bertonus Brixienfis ex  
 Collegio B. Aloisij Gonzagæ.



D. G A B R I E L I B A B A

publicum Vniuersæ Philosophiæ certamen  
sustinenti, sub Auspicijs.

ILLVSTRISSIMI, ET REVERENDISSIMI

I O. D E L P H I N I

PATRIARCHÆ AQVILEIÆ.

O D E.



Rgo procellis fracta rebellibus  
Importuosi per freta Nereos  
Solues carinam, tortuosos  
Ingenio moderante Fluctus?

En perduelli feruidus Africo  
Neptunus vndas iam quatit, Æoli  
Strepunt phalanges, dum Sophia  
Nauifragum tibi pandit Æquor.

Infanienti fuscitat impetu  
Eurus procellas, Vnda Stagirico  
Fremet tumultus, fraudulenti  
Vorticibus meditata pugnas.

Ne fide Ventis suppara, verberant  
Dum nauigandas agmina turbinum  
Maris latebras, atque Doris  
Bella mouet violenter Astris.

AD C

E 1

Num-

Numquam quietis hoc Mære flatibus  
 Tranquillus Æther temperat, otio  
 Non frænat ingrato furentis  
 Terribiles Aquilonis iras.

Armata lætis Aura Fauonijs  
 Depreliantes impete turgido  
 Non sternit Austros, feriat  
 Non Zephyris recreantur vinctæ.

Non hic liburnas Oebalidæ regunt,  
 Sed verberatas Pleiades imbribus  
 Manant in Alnos, atque Orion  
 Ense truces minitatur æstus.

Tot barbarorum non peragrant Fera  
 Inhospitales Æthiopum plagas:  
 Remota non tot hæuantes  
 Memnonidum parit Ora Tigres:

Nec pulsa tantis Aura fragoribus  
 Rugit, rebelles cum Adriacus Leo  
 Formidolosus cogit armis  
 Bistonidum dare terga Clases:

Quot Monstra Fluctus blanda Staglricos  
 Vexant, quot vndis Acroceraunia  
 Latent, fauillas quot Chimæra  
 Æquoreos vomit inter Agros.

Hic,

Hic, sueta cantu fallere Nautas  
Syren canor subdola plasmate  
Titillat Aures: mugientes  
Vnda fouet scopulosa Phocas

Et cuspidatis Æquora Syrtibus  
Rigent: adefis in scopulis sedet  
Sciron: Stagiræas Charybdis  
Spumifero vorat ore Puppæ

Sed iam Sophia terate proripis  
Heros per Æquor: iam medios tenet  
Carina Fluctus ferre gaudens  
Impavidum finuata Pondus

Nouusque tanti Bellorophon Maris  
Vincens Chimæras ingenio, petis  
**PORTVM** sacratus Teque **DELPHIN**  
Tam dubias regit inter Vndas

**DELPHIN** quieti Littoris ad plagas  
Ducit: Triremis carbasa collige  
Nam Te iuuabit tam beatum  
Ingenio meruisse Littus.

*P. Io: Aloysius Picinardus à Burgo Valli Tarr  
ex Colleg. B. Aloysii Gen. age.*  
Lascit: famillas duos Chymæta  
Ad procos vorant inter Vetros





